



Saksmappenr: 2024/27 - 5

Arkiv:

Sakshandsamar: Rita Hansen

Setesdalssamarbeid

Bygland, Evje og Hornnes,
Valle, Bykle og Åseral

Saksframlegg

Setesdal interkommunalt politisk råd

Saksnr.	Utval	Møtedato
66/24	Setesdal interkommunalt politisk råd - styre	18.09.2024

Høring: 4-årig tilbudsstruktur for vidaregåande skuler i Agder 2025-2026 - 2027-2028

Dagleg leiar tilrår:

Styret i Setesdal interkommunalt politisk råd synar til saksutgreiinga og gjev det som høyringsuttale til *4-årig tilbudsstruktur for vidaregåande skuler i Agder 2025/2026 og 2027/2028*.

Saksprotokoll i Setesdal interkommunalt politisk råd - styre - 18.09.2024

Handsaming:

Tilrådinga vart samrøystes vedteken.

Vedtak:

Styret i Setesdal interkommunalt politisk råd synar til saksutgreiinga og gjev det som

høyringsuttale til 4-årig tilbudsstruktur for vidaregåande skoler i Agder 2025/2026 og 2027/2028.

Saksutgreiing:

1. Bakgrunn for saka

Agder fylkeskommune har sendt ut høyring om fireårig tilbudsstruktur for vidaregåande skular i Agder 2025/2026 og 2027/2028. Målet er at tilbudsstrukturen skal støtte opp om måla i Regionplan Agder 2030. Vidare skal skuletilbodet bidra til å dekke arbeidslivet sitt behov og auke gjennomføringa av vidaregåande opplæring. Fylkeskommunen ønskjer med denne høyringa å hente inn erfaringar og synspunkt frå interessentar og berørte partar. Høyringsfristen er 3. oktober 2024. Vedlagt følgjer høyringsdokument for fireårig tilbudsstruktur for vidaregåande skular i Agder. Parallelt med denne høyringa, ligg det også ute høyring om inntaksmodell for vidaregåande skular i Agder.

2. Saksopplysningar

For skuleåret 2025/2026 – 2027/2028 blir det foreslått for Setesdal vidaregåande skule ein auke på linje for bygg- og anleggsteknikk og reduksjon i elevtal på realfag og språk, samfunnsfag og økonomi. For Byremo vidaregåande skule er det foreslått å oppretthalde dagens tilbudsstruktur for ungdom.

3. Vurderingar

For Setesdal IPR er det viktig at Byremo og Setesdal vidaregåande skuler kan tilby attraktive og varierte utdanningsprogram som samsvarer med ønskjer og behov frå både ungdom, næringsliv og offentleg sektor i regionen vår.

Det er viktig for region Setesdal at Setesdal vidaregåande skule og Byremo vidaregåande skule kan tilby attraktive og varierte utdanningsprogram. Tilboda må

vera breie nok til ungdomane i det geografiske området som skulane dekkjer skuletilbod for, og skulane må ha godt omdøme vera attraktive og– både overfor ungdommar, noverande og komande tilsette ved skulane og hos framtidige arbeidsgjevarar.

Reiseliv ei stor næring i regionen vår, og Setesdal IPR vil oppmoda fylkeskommunen til å vurdere å oppretta sal, service og reiseliv som linjetilbod ved ein av nærskulane våre.

Det er viktig at tilbodet om bygg- og anleggsteknikk Vg1 og tømrar Vg2 blir vidareført ved Setesdal vidaregåande skule. Det same gjeld tilbodet Teknologi- og industrifag Vg1 og Transport og logistikk Vg2. Dette har samanheng med at det lokalt er mange arbeidsplassar innan dette feltet, arbeidslivet sin etterspurnad i kommunane og regionen, samt med tanke på rekruttering. Transport- og anleggsbransjen er ei betydelig næring i kommunen og i regionen. Setesdal IPR vil i tillegg oppmoda fylkeskommunen til å leggja til rette for ei utvikling innan bygg og anleggsteknikk (VG1 og VG2) som innrettar seg mot kravet i framtida relatert til klima, miljø og berekraft. Til dømes kan økologisk naturreparasjon vera eit interessant fagområde å implementera på anleggsteknikk/arbeidsmaskiner VG2.

Det bør opprettast eit VG1-løp innan Handtverk, design og produktutvikling på Setesdal vidaregåande skule, avdeling Valle. Føremålet er å styrkje skulen og rekrutteringa til sølv og gullsmedfaget i VG2, skape eit heilheitleg løp i gullsmedfaget og vere eit reelt VG1-alternativ som ungdom kan velje etter ungdomskulen.

Konklusjon

Med bakgrunn i at tilbodsstrukturen for dei to nærskulane våre i hovudsak blir haldne oppe, tilrår dagleg leiar at styret i Setesdal IPR stiller seg bak det framlagde forslaget med unntak av reduksjon i elevplassar ved Setesdal vidaregåande skule avd.

Hornnes. I tillegg at Setesdal IPR oppmodar fylkeskommunen om å oppretta tilbod innan sal, service og reiseliv, eit VG1-løp innan Handtverk, design og produktutvikling og dessutan t.d. implementera fagområdet økologisk naturreparasjon som del av anleggsteknikk/arbeidsmaskiner VG2.

Som del av Rådets strategiske satsing på kompetanse, har ein de siste åra etablert eit velfungerande og konstruktivt samarbeid med Setesdal vidaregåande skule når det gjeld bruk av lokalar, infrastruktur osv. Pr i dag gjeld dette fleire distriktsvennlege og fleksible bachelorutdanningar, og nå i haust startar vi opp med vidareutdanning i E-helse og velferdsteknologi for kommunehelsetenesta i regi av Fagskolen i Agder. Denne type samarbeid kring studiestad meiner vi er nyttig og ressurseffektivt for alle partar, og vi håper å kunne både fortsette det gode samarbeidet og vidareutvikle andre studietilbod over same lest i åra som kjem.

Vedtak sendast til:

Agder fylkeskommune

e-post: postmottak@agderfk.no merkes med saksnummer 24/16926

Valle, den 16.09.2024

Rita Hansen

dagleg leiar

Vedlegg

- 1 Høring: Fireårig tilbudsstruktur for vidaregåande skoler i Agder
- 2 Høringsdokument – 4-årig tilbudsstruktur for vidaregåande skoler i Agder - skoleåret 20252026-20272028.pdf
- 3 Tabell - Alle tilbud sortert på skole 2025-2026 4-årig plan.pdf